



Publicaziuns dalla vischnaunca, jamna 19

Damondas da baghegiar

2023-1046.000

Datum dalla publicaziun: 12 da matg 2023

Patrun: Bergbahnen Disentis AG, Via Acletta 2 7180 Disentis/Mustér
Representant: Casutt Wyrsch Zwicky AG, Via Principala 45D 7153 Falera
Intenziun: Construcziun nova d'ina scursalera
Parcella: 2541 / 2932
Adressa: Uaul Nausch, Caischavedra, 7180 Disentis/Mustér
Zona: – Zona agricola
– Zona d'uaul
– Zona per il sport d'unviern
– Zona per indrezs turistics
Plan general da formaziun: Plan general d'avertura, scursalera

2023-1018.001

Datum dalla publicaziun: 12 da matg 2023

Patrun: Recal AG, Via dalla Stampa 8, 7180 Disentis/Mustér
Representant: ipz ingenieure + planer ag, Via Lucmagn 7, 7180 Disentis/Mustér
Intenziun: Niev implont da scaldar a distanza; midada da project
Parcella: 3991 (1594 parcellau giu)
Adressa: Via Prau, 7180 Disentis/Mustér
Zona: Zona da mistregn (Mi)
Zona da prighel: Neginia

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2023-1025.000

Matthias ed Andrea Böttcher, Via Alpsu 1, 7180 Disentis/Mustér; sanaziun interna digl edifeci nr. 73A, nova partiziun dallas surfatschas da habitar ed ina nova colligaziun dils baghetgs nr. 69 e 73A, parcella 728, Via Alpsu 3, 7180 Disentis/Mustér.

Nr. 2023-1032.000

Bergbahnen Disentis AG, Via Acletta 2, 7180 Disentis/Mustér; engrondaziun dall'ustria e dalla terrassa, modificaziuns dil terren e contuorn, parcella 2932, Caischavedra, 7180 Disentis/Mustér.

Nr. 2023-1034.000

Rui Miguel De Carvalho Figueiras, Via Cons 5, 7180 Disentis/Mustér; nova repartiziun dallas surfatschas da habitar, novas habitaziuns e novs parcadis, parcella 904, Via Sursilvana 10, 7180 Disentis/Mustér.

Uffeci da baghegiar Disentis/Mustér



Cussegl da vischnaunca - Rapport dalla seduta dils 4 da matg 2023

Approbau quen annual 2022 e schau orientar davart la planisaziun d'ina ulteriura ovra fotovoltaica alpina

Gievgia, ils 4 da matg 2023 ha giu liug ella halla Cons la 22avla seduta dil cussegl da vischnaunca dalla perioda d'uffeci 2021/2024. El center dalla seduta ei stau il quen annual 2022 e la presentaziun d'ina ulteriura ovra fotovoltaica alpina el contuorn da Gendusas el territori da skis dallas Penderas Mustér. Il cussegl da vischnaunca ha approbau unanimamein il quen annual. Plinavon ei vegniu fatg in deposit da 2.2 milliuns francs ella prefinanziaziun dil project innovativ Center Fontauna.

Il cussegl da vischnaunca sut l'egida dil vicepresident dil cussegl da vischnaunca Ignaz Venzin approbau unanimamein il rapport da gestiun ed il quen annual 2022. La suprastanza communal ha saviu presentar in fetg bien quen cun in'atgna finanziaziun da 3.12 milliuns francs ed investiziuns nettas da 3.91 milliuns francs. Suententer haver risguardau tuttas amortisaziuns, ils cuosts extraordinaris e la prelevaziun ord finanziaziuns specialas resta in gudogn da 144'851 francs.

Plinavon ha il cussegl da vischnaunca dau suatientscha alla proposta dalla suprastanza communal da far in deposit da 2.2 milliuns francs ella prefinanziaziun pil project Center Fontauna ed in ulteriur deposit ella summa da 100'000 francs en in niev fondo per spazi da habitar per indigens. Il quen 2022 vegn conform agl art. 21, lit. a dalla constituziun communal aunc suttamess al referendum facultativ.

Ulteriuramein ei vegniu presentau al cussegl da vischnaunca entras ils representants dall'interpresa Axpo il project «Ovra Solara Magriel». L'ovra ei prevedida el contuorn da Gendusas el territori da skis dallas Penderas Mustér. Cun las lavurs da construcziun dall'ovra solara alpina duei vegnir entschiet primavera 2024. Il project duei vegnir realisau en stretga collaboraziun cun las Penderas e cun interpresas indigenas. L'ovra vegn ad haver ina prestaziun da 10 uras megawatt e producescha annualmein 17 uras gigawatt, quei che correspunda ad in consum d'energia per rodond 4'000 casadas.

Referendum facultativ

A caschun da sia seduta dils 4 da matg 2023 ha il cussegl da vischnaunca approbau unanimamein il rapport da gestiun ed il quen 2022.

Conform ad art. 21 lit. a dalla constituziun communal ei il quen annual da suttametter al referendum facultativ. Il messadi davart quella fatschenta ed il quen 2022 ein exponi per investa en casa communal (stanza nr. 10).

Enteifer 20 dis dapi la publicaziun officiala han 80 votantas e votants la pusseivladad d'inoltrar enviers sura conclus il referendum e pretender ina votaziun dil pievel.

Suprastanza communal

Project «la pendent» - Referendum

Il cussegl da vischnaunca ha en sia seduta dils 18 d'avrel 2023 concediu in credit da maximalmein frs. 390'000 per la realisaziun dil project «la pendent». Il credit ei tenor constituziun communal vegnius suttamess al referendum facultativ.

Enteifer il termin fixau ei vegniu inoltrau il referendum, aschia che quella decisiun vegn suttamessa alla votaziun all'urna dils 18 da zercladur 2023.

Suprastanza communal

Administraziun communal

Sur Anceinza resta l'administraziun communal serrada naven da **mesjamna, ils 17 da matg allas 17.30 entochen gliendisdis, ils 22 da matg allas 8.30.**

Bien engraziament per Vossa capientscha.

Administraziun communal



Colonna d'agid Mustér

Cuors da reiver per affons

Camp da reiver per affons dalla Colonna d'agid CAS Mustér 2023

Sco gia dapi biars onns meina la Colonna d'agid Mustér atras dus cuors da reiver per affons denter 9 e 16 onns (annadas 2007–2014). Ils cuors han liug el territori da reiver a Lai Alv (2505 m) a Mustér, sisum dil territori da skis. Survigilai ed instrui da menadras e menaders da Giuventetgna e Sport emprendan ils affons semplamein ed en cuminonza igl ir a cuolm.

- Datum: Dumengia – venderdis
(1. jamna 16-7. entochen 21-7-2023, 2. Jamna 23-7. entochen 28-7-2023)
- Program: Introducziun egl alpinissem, ir entuorn cun sugas, reiver els curtgins da reiver, sentiment per grep e contuorn, pintga tura sin in péz, flora alpina, encurir cristallas.

Material che manca san ins retscheiver dil cuors. – Cuosts: frs 290.– per affon (cumpriu pensiu cumpleina material e surnotg a Lai Alv)

Annunzias ei pusseivel naven dils 4 da zercladur 2023 sut laialv@disentis.ch

Colonna d'agid Mustér

Serrada senda dils Laruns

Muort lavurs da raccolta da lenna resta la senda dils Laruns sco era la Via Tioles serrada naven d'immediat entochen ils 31 da matg 2023.

Per prevegnir ad accidents supplichein nus vischinas e vischins d'observar las directivas signalisadas.

Bien engraziament per la capientscha.

Disentis/Mustér, ils 26 d'avrel 2023

Uffeci forestal Disentis/Mustér

Oz en biblioteca!

Kino da cudischs da maletgs cun Mats, la miur

Has ti plascher da vegnir en biblioteca e tedlar marvegliusas historias ord cudischs da maletgs? Mintga secund venderdis dil meins allas 14.30 legin nus avon e mussein vid ina gronda preit ils maletgs ord in cudisch da maletgs. L'occurrenza cuoza ca. in'ura ed ei adattada pertut ils affons che san gia tedlar tier bein. Naturalmein astgas ti era prender cun tei tia mumma ni in'otra persuna.

Nus selegrein zun fetg sin tei!

Cun ils pli cars salids

Mats, la miur ed il team dalla Biblioteca populara Disentis/Mustér e contuorn



Gavel Di svizzer da preleger

Mesjamna, ils 24 da matg 2023 allas 14.30 legin nus avon la historia «Lumpi» e mussein vid ina gronda preit ils maletgs ord il cudisch. Suenter quei kino da cudischs da maletgs per romontsch astgan ils affons leger avon historias al tgaun Tinca.

Nus selegrein sin tia viseta!

Il team dalla biblioteca populara Disentis/Mustér e contuorn

Seniora-CA

Preavis

- 18 da matg 2023** - Anzeinza.
- 25 da matg 2023** - sentupada da vieuas/vieus (invitaziun suonda/mira pleiv).
- 1 da zercladur 2023** - proxima occurrenza (invitaziun suonda).
- 8 da zercladur 2023** - Sontgilcret, sentupada dallas 3 vischnauncas sin l'Academia Vivian (mira vischnaunca).
- 22 da zercladur 2023** - excursiun sin l'Academia Vivian cun film e petta/caffè (invitaziun suonda).

Team e post d'informaziun Seniora-CA

Societad da tir Desertina

Tir Obligatoric 300 m 2023 a Sedrun la Resgia

Il tir obligatoric 300 m ha liug a Sedrun la Resgia

Anzeinza, ils 18-5-2023, 18.00–20.00

gievgia, ils 8-6-2023, 19.00–20.00

dumengia, ils 20-8-2023, 18.00–19.00

Cordialmein envida

la societad da tir Desertina

EMSORAMA Mobil – Tuccar – experimantar – smarvigliar

Sonda, ils 13 da matg 2023, 9-16, halla polivalenta Meierhof/Sursaissa

Il center da scienza vegn tier vus sco exposiziun mobila (halla polivalenta Meierhof/Sursaissa). Emprender d'enconuscher varga 20 experiments e fenomens dalla scienza natirala e dalla tecnica – per famiglias, uniuns e la publicitad. Entrada gratuita – negina annunzia necessaria – per grond e pign.

Uniun culturala Disla

Sonda, ils 20 da matg 2023 ei il di svizzer dils mulins. Quei di ein tuts nos objects en funcziun, naven dallas 10.00–17.00. Festivitat sil plaz.

Sin vossa viseta selegra

Uniun culturala Disla
